

Starfshópur um forvarnir

Fundur haldinn í Krosseyri, Linnetstíg 3,

20.03.2019, kl. 08:30

Geir Bjarnason, íþrótt- og tómstundafulltrúi Hafnarfjarðar og formaður hópsins, *Kristjana Jokumsen*, deildarstjóri tómstundaþjónustu Víðistaðaskóla, *María Guðmundsdóttir Gígja*, náms- og starfsráðgjafi Víðistaðaskóla, *Kolbrún Björnsdóttir* náms- og starfsráðgjafi Setbergsskóla, *Ásdís Hanna Pálsdóttir*, fulltrúi foreldraráðs, *Anna Sigríður Björnsdóttir*, fulltrúi foreldraráðs, *Haukur Haraldsson*, sálfræðingur fjölskylduþjónustu Hafnarfjarðar og *Íris Dögg H. Marteinsdóttir*, fjölskyldu- og skólaþjónusta BRÚARINNAR.

Birgir Örn Guðjónsson, lögreglurmaður og *Helena Unnarsdóttir*, deildarstjóri Barnaverndar í Hafnarfirði komu og sögðu frá sínum störfum.

Fundargerð ritar: Íris Dögg H. Marteinsdóttir

Geir Bjarnason býður Birgi Örn velkominn og segir frá nýju tilraunverkefni sem er farið af stað á milli Hafnarfjarðarbæjar og Lögreglunnar á höfuðborgarsvæðinu. Þetta verkefni fer af stað að einhverju leyti í tengslum við BRÚNNA. Birgir Örn verður með skrifstofu inn á Fjölskyldusviði Hafnarfjarðarbæjar og mun starf hans vera mótað á næstu dögum og svo verður það þróað áfram næsta árið.

Birgir Örn segir frá því hvernig starfsemi forvarnardeildar lögreglunnar var áður en hún var lögð niður eftir hrunið. Þar vann hverfislögreglufólk til dæmis náið með félagsþjónustu og grunnskólum sinnar starfsstöðvar. Forvarnardeildin hefur ekki verið starfrækt eftir hrún.

Hann segir Sigríði Björk Guðjónsdóttur, lögreglustjóra lögreglunnar á höfuðborgarsvæðinu, vera koma aðeins inn á þessa nálgun aftur, þetta snemmtæka og að lögreglan sé sýnilega í því hlutverki. Birgir segir þessa nálgun vera víða á norðurlöndunum. Þá segir hann Sigríði Björk sé byrjuð að keyra verkefni með þessa fyrirbyggjandi nálgun, heimilisofbeldisverkefnið er dæmi um það. Sú nálgun snýst

um fyrstu viðbrögð þegar lögreglan sinnir útkalli vegna heimilisofbeldis, þá eru kallaðir til starfsmenn barnaverndar og/eða fjölskylduþjónustu og reynt að rjúfa þá keðju sem farin er af stað á heimlinu, með því að styðja við þolendur. Þar er horft á að nálgast málið útfrá heildarmyndinni, núna er barninu fylgt eftir og reynt að tryggja velferð þessa á allan hátt.

Birgir segir frá því að í gegnum tíðina hafi hann átt í samskiptum við fjöldan allan af einstaklingum sem eru erfiðum stað í lífinu t.d. fíklar og hann segir nánast undantekningarlaust að þessar manneskjur tjái sig um erfiðleika í æsku. Hann segir að það sé bæði reynsla úr starfi og svo eigin áhugasvið að vinna á snemmtækan hátt.

Birgir Örn segir lögregluna hafa sama tilgang og önnur kerfi, að vinna að því að gera samfélagið betra og þetta er ákveðið skref í því að við séum öll að vinna saman ekki öll í okkar horni. Nú sé það að þora að gera eitthvað nýtt, ekki gera þetta eins og við gerðum þetta í gamla daga, við þurfum að þora að skoða samfélagið eins og það er núna og hugsa þetta í takt við það og gera það í sameiningu.

Þetta þróunarverkefni er samvinnuverkefni milli Hafnarfjarðarbæjar og lögreglunnar á höfuðborgarsvæðinu eins og áður sagði. Það var meðal annars sótt um í Lýðheilsusjóð fyrir þessu verkefni í haust. Það þarf að hafa í huga að það eru mörg sveitafélög á höfuðborgarsvæðinu en bara ein lögregla á höfuðborgarsvæðinu. Birgir Örn segir það virkilega jákvætt að geta þróað þetta samhliða BRÚNNI, sem er komin með markvissann og fastmótaðan ramma og hann sér fram á mikla samvinnu með BRÚNNI í þessari þróunarvinnu.

Hann segir okkur öll vera að horfa til til barna og ungmenna sem hafa leiðst útí áhættuhegðun, farin að sýna ofbeldistilburði, farin að prufa fíkniefni, búa á brotnum heimilum og hann segir að það sé hægt að grípa þar inn í og þar skipti samvinna lögreglu við kerfið miklu máli. Með þessu fáum við samfélag þar sem að ungmenni finni að lögreglan sé hér fyrir þau en ekki til að ná þeim.

Þetta tilraunaverkefni er núna til 1. árs, sem vonandi verður til þess að verkefnið verði útvíkkað. Önnur sveitafélög strax farin að sýna þessu áhuga.

Birgir verður staðsettur á skrifstofu fjölskylduþjónustunnar og verður í uniformi. Hann verður meðalannars í tengslum við skólana og kemur til með að vinna náið með BRÚNNI, ná til ungmenna sem eru komin í áhættu og annað. Einnig kemur hann til með að vinna vel með BVN.

Umræður með Birgi Erni

Kristjana segir að það væri gott að fá hann í félagsmiðstöðvar. Birgir Örn segir það vera eitthvað sem hann sjái fyrir sér að gera. Þælt í hvernig nálgunin myndi vera. Kristjana segir frá því að hún viti til að lögreglan í Eistlandi sé mikið inn á félagsmiðstöðvunum, halda námskeið og eru þá ekki í uniformi. Var í raun þarna bara sem félagi en ekki sem lögreglumaður í valdastöðu. Þannig fær lögreglumaðurinn öðruvísi upplýsingar frá ungmennum og nær öðruvísi til þeirra.

Umræða um foreldrafélögin, Birgir Örn segist að hann myndi að öllum líkindum líka hitt þau. Foreldrafélögin.

Þá er spurt hver starfstíll Birgis sé og hann segist ennþá vera varðstjóri hjá lögreglunni en starfsstöðin hans er í ráðhúsinu og starfslýsingin orðin önnur.

Upplýsingar um þetta tilraunaverkefni eru komnar inn á heimasíðu Hafnarfjarðarbæjar.

Birgir Örn segir það mikil forréttindi að fá að móta þetta hér og er spenntur fyrir framhaldinu.

Við þökkum Birgi Erni kærlega fyrir komuna.

Geir Bjarnason býður Helenu Unnarsdóttur deildarstjóri Barnaverndar Hafnarfjarðar velkomna.

Helena segir stöðuna þannig að barnavernd sé meira í því að slökkva elda því málin séu oft orðin frekar þung þegar þau koma til þeirra. Fagna BRÚNNI því þar er meira forvarnarstarf. Fagna lögreglunni og sjá fyrir sér að þetta tilraunaverkefni komi líka til með að styðja vel við þeirra starf.

Þrjú starfsmenn barnaverndar eru með PMTO meðferðarmenntun. Þau stefna á að keyra þessi námskeið vonandi sem fyrst, þá einstaklingsmeðferð. Sjá fyrir sér möguleikann að geta tekið þessi námskeið með foreldrum á leikskólastigi í forvarnarskyni.

Álagið er þó þannig að það er aldrei vitað hvernig staðan er frá degi til dags. Myndu vilja fá starfsmann í fulla vinnu til að keyra niður lista af PMTO. Oftar en ekki er verið að tala um 20 vikna einstaklingsmeðferð, svo það er ekki verið að vinna mörg mál í einu.

MST – Multi system therapy – Barnavernd er mikið að nýta sér það í vinnu með unglingum og fjölskyldum þeirra. Stefnan að reyna grípa fyrr inn í þetta svo barnið þurfi ekki að vera vistað utan heimilis o.fl.

Núna komin smá biðlisti í MST núna, var ekki. Núna 4-5 mánaða bið. Þá þarf að vinna málið hér heima á meðan. Þegar krakkar eru komnir í þessa áhættuhegðun þá er oft neyðarvistun Stuðla komin inn eða frekar stuðningur fyrir heimlið og með skólanum.

MST – kortlagning á stöðu fjölskyldunnar, kynast fjölskyldunni, búa til plan út frá þeim upplýsingum sem þau fá út frá kortlagningu og kynnum af fjölskyldu. Fá svo mjög ítarlega áætlun þar sem er sagt frá skref fyrir skref hvernig skal bregðast við í ákveðnum aðstæðum á heimilinu.

Barnaverndarmál - málin eru að verða miklu þyngri. Mikil þyngsl í þessum málaflokki bæði hjá foreldrum og börnum. Andleg veikindi, mikið unnið með BUGL, GRR, PSH, Stuðlum, o.fl.

- Spurning hvort það sé þá of seint gripið inn í?
 - o Helena segir það hugsanlegt og þess vegna fagnar hún BRÚNNI mikið.

- Af hverju er þetta orðið svona erfitt eða þungt?
 - o Helena segir það eflaust vera allskonar ástæður en nefnir að við búum í öðruvísi þjóðfélagi en við gerðum.
 - Samfélagsmiðlar
 - Mikið álag á foreldrum
 - Andleg veikindi

- Þegar fjölskyldur flytja á milli bæjarfélaga? Flytjast upplýsingar á milli barnavernda sveitafélaganna?
 - o Skv. Lögum ber þeim að flytja þessi mál á milli sveitarfélaga. Senda gögn á milli, gera grein fyrir hvað er að gerast. Líka á milli landa.
 - o Mál þarf að vera opið til þess að þetta gerist.

Barnavernd er að vinna mikið og náið með, BRÚNNI, Lögreglunni og PMTO. Þá er barnavernd í samstarfi við Verndari barna (blátt áfram) sem er forvarnir námskeið gegn kynferðisofbeldi – var verið að mennta 2 félagsráðgjafa úr barnavernd til að halda þau námskeið. Allir sem vinna með börnum þurfa að sækja það námskeið.

- Rætt er af hverju sé bara verið að fókusa á að fræða það starfsfólk sem er með fagmenntum. Þurfum að hugsa aðeins útfrá hópnum, hverjir koma að börnunum, þurfum að skoða þetta útfrá heildinni. Hverjir þurfa á aukinni fræðslu að halda.

Barnavernd er með tengliði í hverjum leik og grunnskóla.

Stefnt er á það næsta haust reynt að fara markvissara inn í skólana og kynna BVN betur. Sjá fyrir sér að fara inn og kynna fyrir öllu starfsfólki, kynna starfið, hvenær á að tilkynna þetta, o.fl. Þetta hefur ekki verið gert áður.

- Spurning, hefur eitthvað minnkað eða breyst í þeim skólum þar sem BRÚIN er komin inn?
 - o Ekki búið að taka það saman, en finna að þau njóta góðs af þessu samstarfi við BRÚNNA. Þegar mál er tilkynnt í gegnum BRÚNNA, ítarlegar upplýsingar og búið að vinna stóran hluta af könnunarvinnunni þegar tilkynna þarf mál til barnaverndar.
- Hvað vantar Barnavernd núna?
 - o Meiri tíma.
 - o Fleira starfsfólk.
 - o Minnka álagið

Þökkum Helenu kærlega fyrir góðar upplýsingar.

Umræður í lok fundar

Þurfum að boða unga fólkið okkar á fund með okkur, fulltrúa ungmennaráðs. Stefna mögulega á að vinna með þeim á svipaðan hátt og var gert á lýðræðisþinginu í Víðistaðaskóla.

Ungmennahólf Hafnarfjarðar er nýbúið og þar var eitt af verkefnum fofarnir, spurning hvort við fáum fulltrúa frá ungmennaráði til þess að kynna þær niðurstöður.

Þá er stefnt á að skilgreina hugtakið forvörn betur innan hópsins.

Sagt frá því að krakkarnir í Áslandsskóla hafi óskað eftir meiri kynfræðslu. Foreldrarfélagið fékk Siggú Dögg til að koma og vera með fyrirlestur sem var mjög vel sóttur. Út frá því er sagt frá því að í Lækjarskóla séu allir nemendur í unglingadeild með eina kennslustund í viku í Jafnréttis- og kynjafræði. Í þeim tímum er einnig farið vel í kynfræðslu með nemendum. Því er velt upp hvort óska eftir því að Kristín Ragnarsdóttir, sem kennir jafnréttis- og kynjafræði í Lækjarskóla, komi og fari yfir hvernig kennslunni er háttað og hvort það sé forvornargildi í henni. Þá er talað um mikilvægi þess að samrýma að einhverju leyti nálgun í forvörnum hjá Fræðslu- og frístundaþjónustu Hafnarfjarðar, skólarnir stýra sjálfir fræðslunni en hvernig er hægt að efla þetta og fá samfellu í þessa fræðslu þvert á skólana, gæti skrifstofa fræðslu- og frístundaþjónustu sett fram heildstæða nálgun.

Næst á dagskrá

Rafn M. Jónsson, verkefnisstjóri, áfengis- og vímuvarna hjá Embætti landslæknis, verður boðaður á næsta fund (ábyrgðarmanneskja, Geir).

Ægir Örn Sigurgeirsson, deildarstjóri hjá fjölskylduþjónustu Hafnarfjarðar, verður boðaður á næsta fund (ábyrgðarmanneskja, Íris Dögg).

Fundi slitið kl. 09:52